

EVROPSKA INVESTICIJSKA BANKA – Izjava o zaštiti podataka –

EIB-ova anketa o ulaganjima (EIBIS)

1. Uvod

Evropska investicijska banka (dalje u tekstu: EIB) obavezala se na zaštitu ličnih podataka. EIB prikuplja i dalje obrađuje lične podatke u skladu s Uredbom (EU) 2018/1725 od 23. oktobra 2018. o zaštiti pojedinaca u vezi s obradom ličnih podataka u institucijama, tijelima i agencijama Unije i o slobodnom kretanju takvih podataka te o stavljanju izvan snage Regulative (EZ) br. 45/2001 i Odluke br. 1247/2002/EZ (dalje u tekstu: Uredba „EU DPR“).

U ovoj izjavi o zaštiti ličnih podataka objašnjavaju se razlozi za obradu ličnih podataka te način njihovog prikupljanja, postupanja s njima i osiguravanja zaštite svih ličnih podataka. Osim toga, u ovoj izjavi dodatno se opisuju načini na koje se ti podaci koriste te prava pojedinaca u vezi s njihovim ličnim podacima.

U nastavku se iznose informacije o postupku obrade koji za potrebe svoje ankete o ulaganjima (EIBIS-a) provodi EIB.

2. Voditelj obrade podataka

Voditelj obrade podataka je Odjel za ekonomiju Glavnog sekretarijata („SG/ECON“) Evropske investicijske banke („EIB“).

3. Svrha obrade

Ova izjava o zaštiti podataka sadrži informacije o obradi ličnih podataka koju EIB obavlja tokom provođenja svoje ankete o ulaganjima. EIB te zadatke izvršava na osnovu ovlaštenja koja su mu dana u skladu s odredbama Ugovorâ EU-a i svojeg [Statuta](#).

EIB obrađuje lične podatke u svrhu upravljanja provedbom svoje ankete o ulaganjima, na razuman i primjeren način te u skladu s mjerodavnim zakonima i propisima. Lični podaci obrađuju se u skladu s Uredbom EU DPR.

U okviru svoje ankete o ulaganjima EIB obrađuje lične podatke u svrhu provođenja svoje ankete o ulaganjima, koja se među preduzećima s prostora EU-a, zapadnog Balkana (Albanije, Bosne i Hercegovine, Crne Gore, Kosova, Sjeverne Makedonije i Srbije) i SAD-a provodi radi stjecanja uvida u aktivnosti ulaganja, uslove finansiranja te izazove poput klimatskih promjena i digitalne transformacije. Anketa služi kao podloga za rasprave o politikama te pomaže u oblikovanju politika na nacionalnom nivou i nivou EU-a. Lični podaci obrađuju se i za potrebe povezanih anketnih sastavnih dijelova, među kojima je modul posvećen opskrbnim lancima. Javno dostupne informacije o preduzećima mogu se priložiti podacima iz ankete u analitičke svrhe, pri čemu se vodi briga o tome da se ne objavljuju nikakvi rezultati na nivou pojedinog preduzeća ili javnog subjekta.

Anketa će poslužiti kao podloga za dijalog o politikama u vezi s pokretačima i preprekama za ulaganja te za promicanje donošenja politika kojima će se omogućiti bolja podrška firmama i jedinicama lokalne samouprave na nacionalnom nivou i nivou EU-a.

Ako se ispitanik odazvao na neki od dosadašnjih krugova ankete, učešćem u novom krugu daje pristanak da se njegovi odgovori iz svakog kruga međusobno povežu. U to neće biti uključeni lični podaci za kontakt.

Učešćem u anketi ispitanik daje pristanak da se podacima iz ankete prilože dodatne javno dostupne informacije o njegovu preduzeću, organizaciji ili javnom tijelu. Te dodatne informacije bit će preuzete iz Moody'sove baze podataka Orbis, od Dun and Bradstreeta, Bloomberg, agencija za kreditni rejting i OECD-a, iz Sporazuma gradonačelnika EU-a, od Eurostata i Evropske komisije, iz svjetske statističke baze podataka o patentima PATSTAT, s javno dostupnih mrežnih stranica koje sadrže informacije o

preduzećima ili javnim tijelima te od drugih komercijalnih pružatelja javno dostupnih informacija. Ti će se podaci koristiti u agregiranom obliku ili u analitičke svrhe (kao što su procjene ili korelacijske analize), a rezultati na nivou pojedinog preduzeća, organizacije ili javnog tijela neće se objavljivati.

Obrada ličnih podataka u okviru Ankete Grupe EIB-a o ulaganjima ne uključuje postojanje automatiziranog donošenja odluka, pa tako ni izradu profila.

4. Pravna osnova za obradu

Pravnu osnovu za obradu ličnih podataka u okviru EIB-ove ankete o ulaganjima čine: pristanak ispitanika i javni interes.

5. Kategorije ispitanika

Obrada podataka iz tačke 3. odnosi se / može se odnositi na sljedeće kategorije ispitanika: klijente EIB-a i osobe za kontakt iz (nefinansijskih) preduzeća i javnih institucija.

6. Koje lične podatke obrađuje EIB?

EIB obrađuje sljedeće kategorije ličnih podataka: ime i prezime, podatke za kontakt, titulu i naziv struke.

Kompanija Ipsos, naš pružatelj usluge, obrađuje sljedeće kategorije ličnih podataka: ime i prezime, podatke za kontakt, titulu, naziv radnog mjesta, zvučne zapise i IP adresu.

7. Kako EIB dolazi do ličnih podataka?

Lični podaci pribavljaju se:

- direktno od ispitanika;
- iz baza podataka koje sadrže kontaktne informacije o preduzeću ili javnom tijelu koje ispitanik predstavlja;
- s LinkedIna.

8. Kome se lični podaci otkrivaju?

Lične podatke EIB može otkrivati sljedećim primateljima:

- Ipsosu, svojem pružatelju usluge, koji može sarađivati s agencijama za istraživanje tržišta i rad na terenu radi provedbe ankete putem telefona u svim dijelovima svijeta.
- U slučaju da ispitanik pristane na to da mu se pošalju rezultati ankete, njegovi lični podaci mogu se dostaviti komunikacijskoj agenciji EIB-a koja ih u njegovo ime obrađuje uz pridržavanje strogih uslova povjerljivosti i sigurnosti.
- Svi partneri čije se usluge koriste tokom prikupljanja podataka bit će odobreni i postupati u skladu Opštom uredbom o zaštiti podataka.

9. Međunarodni prijenosi

Prijenosi podataka obavljaju se prema Ujedinjenom Kraljevstvu, gdje se nalazi naš pružatelj usluge, u skladu s uslovima propisanim [standardnim ugovornim klauzulama o međunarodnim prijenosima](#) koje je odobrila Evropska komisija.

10. Koliko dugo EIB čuva lične podatke?

Lični podaci čuvaju se onoliko dugo koliko je to potrebno u svrhe opisane u ovoj izjavi o zaštiti podataka. Razdoblje čuvanja određuje se prema sljedećim kriterijima:

- Okviri uzorka dobiveni iz navedenih baza podataka ili s javno dostupnih mrežnih stranica, a kako je prethodno navedeno, mogu se koristiti/doraditi kao okvir uzorka za potrebe budućih krugova ankete.

- Datoteke koje je pružatelj usluge poslao EIB-u i/ili njegovoj komunikacijskoj agenciji za potrebe e-poruka sa zahvalom za učešće mogu se upotrebljavati isključivo u svrhu slanja objavljenog izvještaja o anketi te dijeliti jedino unutar EIB-a ili s komunikacijskim partnerom radi ispunjenja navedene svrhe.
- Na Ipsos, kao pružatelja usluge, primjenjuje se tačno određeno razdoblje čuvanja: lični podaci ispitanika prikupljeni za potrebe ovog kruga ankete bit će na siguran način uklonjeni najkasnije godinu dana nakon njegove provedbe, osim ako je ispitanik Ipsosu ili nekoj drugoj firmi za istraživanje dao pristanak da mu se ponovno javi za potrebe novog kruga.

11. Koja su prava ispitanika i kako ih mogu ostvariti?

Prava ispitanika utvrđena su odjeljcima od 3. do 5. Uredbe (EU) 2018/1725.

- Ispitanik ima pravo od voditelja obrade dobiti potvrdu o tome obrađuju li se njegovi lični podaci ili ne, a ako se obrađuju, pristupiti svojim ličnim podacima obraćanjem voditelju obrade ili posredstvom EIB-ova službenika za zaštitu podataka (**pravo na pristup**).
- Ispitanik ima pravo od voditelja obrade zatražiti ispravak svakog netačnog podatka i/ili dopunu nepotpunih ličnih podataka (**pravo na ispravak**).
- Ispitanik ima pravo od voditelja obrade zatražiti brisanje svojih ličnih podataka u skladu s člankom 19. Uredbe (EU) 2018/1725 (**pravo na zaborav**).
- Ispitanik ima pravo od voditelja obrade zatražiti ograničenje obrade svojih ličnih podataka u sljedećim slučajevima (**pravo na ograničenje obrade**):
 - i. ako osporava tačnost svojih podataka;
 - ii. ako je obrada podataka nezakonita, a on se protivi njihovom brisanju;
 - iii. ako voditelj obrade više ne treba predmetne lične podatke za potrebe obrade, ali ih dotični ispitanik treba radi postavljanja, ostvarivanja ili odbrane pravnih zahtjeva; ili
 - iv. ako je ispitanik podnio prigovor na obradu svojih podataka, a EIB želi utvrditi ima li voditelj obrade legitimne razloge koji imaju prednost pred pravom ispitanika na ograničenje obrade.
- Na osnovu svoje posebne situacije ispitanik ima pravo podnijeti **prigovor** na obradu ličnih podataka, osim ako EIB dokaže da postoje uvjerljivi legitimni razlozi za obradu ili za postavljanje, ostvarivanje ili odbranu pravnih zahtjeva;
- Ispitanik ima pravo zaprimiti svoje lične podatke od EIB-a u strukturisanom, uobičajeno upotrebljavanom i mašinski čitljivom formatu kako bi ih mogao prenijeti drugom voditelju obrade bez ometanja od strane EIB-a (**pravo na prenosivost podataka**);
- Ako pravnu osnovu za obradu podataka čini njegov pristanak, ispitanik ima pravo u svakom trenutku povući taj pristanak. Povlačenje pristanka ne utječe na zakonitost obrade na osnovu pristanka prije njegovog povlačenja.
- Ispitanici imaju pravo podnijeti pritužbu Evropskom nadzorniku za zaštitu podataka (www.edps.europa.eu) u bilo kojem trenutku (**pravo na podnošenje pritužbe**).

12. Kako se obratiti za pomoć?

Ako ispitanik ima ikakvih pitanja o tome kako obrađujemo njegove lične podatke ili želi ostvariti neko od prethodno navedenih prava, neka nam se svakako obrati e-poštom na eibis@eib.org ili se javi Pelopidasu Donosu, EIB-ovom službeniku za zaštitu podataka, e-poštom na p.donos@eib.org ili na sljedeću adresu:

Mr. Pelopidas Donos

European Investment Bank

98-100 Boulevard Konrad Adenauer

L-2950 Luxembourg (Grand Duchy of Luxembourg)